

EAJK ETA EAK JARRERA «ANTIDEMOKRATIKOA» LEPORATU DIOTE, ETA PSE-EEK «KONFRONTAZIOA» ERAGITEA

PPk ez beste alderdi guztiek arbuia- dituzte Aznarren adierazpenak

■ Abertzaleek «ideiak satanizatzea» eta «sorgin ehiza» egin nahi izatea leporatu diote Espainiako presidenteari

■ Erakundeek kontra ekitean «konfrontazioa» areagotu besterik ez duela egiten iritzi diote alderdi ez abertzaleek

■ Egibarrek adierazi zuenez, Aznarrek «pentsamendu bakarraren eszenatokia» eraiki nahi du

Erredakzioa / Donostia

JOSE MARIA AZNARREK herenegun egindako adierazpenek erreakzio andana eragin zuten atzo. PP ez beste alderdi guztiek kritikatu zuten Aznar; abertzaleek irizpide demokratiko falta egotzi zioten, eta ez abertzaleek, berriz, kritikatu egin zuten halako hitzek «sumindura eta konfrontazioa» areagotzen dutelako. Bestalde, Aznarrek erakundeek kontrako erasoa egin izana gaitzetsi zuten.

«Ideiak satanizatu»

EAJko bozeramaile Joseba Egibarrek atzo adierazi zuenez, «gero eta nabarmenagoa da Aznarri sistema demokratikoa geroz eta zabalagoa geratzen zaiola, argi eta garbi adierazi baitu ideia eta proiektu demokratikoei eragiten dioten nazka».

Idea horretan oinarrituta, «pentsamendu bakarraren eszenatokia» zabaldu nahi duela kritikatu zuen. «Aznarrek Espainia batua deitzen duenaren lidergoa nahi du, eta ez ditu berak egiten duen diagnostik aldentzen direnak onartzen, ideia demokratikoak satanizatuz».

«Benetan tamalgarria eta nazkagarria dena Durangoko atentatua da», gaineratu zuen, «baina Aznarrek hori ahaztu eta zuzenean EAJren aurka ekin dio, eta oro har abertzaletasunaren aurka».

EAKo lehendakari Begoña Erraztik, berriz, «onartezina eta maltzurra» iritzi zion Aznarren jarrerari, betetzen duen karguak «larriago» egiten duela gaineratuz. «Aznarrek sorgin ehiza egin nahi du euskal abertzaletasunaren kontra, eta apropos ari da abertzaletasuna eta indarkeriaren arteko nahasmena eragiten», adierazi zuen.

Erraztiren arabera, «PPk gobernatzen ez dituen erakundeekiko mespretxu osoa



MANUEL H. DE LEON / EFE

Jose Maria Aznar Espainiako presidenteak hitz gogorrak egin zituen, herenegun, abertzaleen kontra.

adierazi du». «Aznarrek bere benetako aurpegi antidemokratikoa erakutsi du; ez baita bitartekoengatik arduratzen, Espainia handi eta bakarretik aldentzen diren ideientzat baizik», gaineratu zuen.

EHko Arnaldo Otegi esan zuenez «ona da» Aznarrek hain garbi hitz egitea. «Argi esan du: hemen alternatiba bakarra Estatutua eta Konstituzioa dira, ez dago beste demokraziarik munduan, eta badakigu Aznarrek asmatu zuela demokrazia munduan», esan zuen ironiaz.

Aznar «oposizioan»

Jesus Egiguren PSE-EEko legebiltzarkidearen ustez, ezin da une oro «konfrontazioa» elikatzen egon eta erakundeetan polemika sortzen. «Eusko Legebiltzarrean PPk dituen ordezkariak dira oposizio lana burutu behar dutenak, eta ez Aznar, Mayor Oreja edota Espainiako Gobernua», iritzi zion PSE-EEko ordezkariak.

Manuel Chaves PSOEko

buruzagiak Aznarren adierazpenek «konfrontazioa» bultzatzen dutela esan zuen: «Uste dut PPren jokabidea dela EAJk izan ditzazkeen irtenbide guztiak estaltzea, eta EAJ joko horretan sartzen da, gainera».

EB-IUko Javier Madrazoren iritziz, Aznarrek «bere kartak ahoz gora» utzi zituen herenegun. «Eta ez du etorkizun oso ona aurkeztu bere

gailentasun horrekin», esan zuen. UAKo Pablo Mosquerak, berriz, kritika zuzena egin ez bazuen ere, adierazpen horiek ez dutela laguntzen esan zuen. «Guztiok ados egon behar dugu, eta Estatuaren etsaia zein den argi eduki behar dugu; etsaia ETA baita, eta ezin gara nahastu». Bestalde, «erakunde arteko konfrontazioa ona ez» dela gaineratu zuen.

erreakzioak

x **Joseba Egibar** (PNV): «Argi dago Aznarri sistema demokratikoa geroz eta zabalago geratzen zaiola, argi eta garbi adierazi baitu ideia eta proiektu demokratikoei eragiten dioten nazka»

x **Begoña Errazti** (EA): «Aznarrek sorgin ehiza egin nahi du euskal abertzaletasunaren kontra»

x **Arnaldo Otegi** (EH): «Aznarrek argi esan du: Hemen alternatiba bakarra Estatutua eta Konstituzioa dira, ez dago beste demokraziarik munduan»

x **Jesus Egiguren** (PSE-EE): «Eusko Legebiltzarrean PPk dituen ordezkariak dira oposizio lana burutu behar dutenak, eta ez Aznar, Mayor Oreja edota Espainiako Gobernua»

EAK eta EHk ez dute ongi ikusten Ibarretxe Madrilera joan eta Aznarrekin biltzea

■ IBARRETXE eta Aznar bi aste barru bilduko direla-eta, EAKo Begoña Erraztik eta EHko Arnaldo Otegi euren iritzia eman zuten, atzo. «Hain da onartezina Aznarrek euskal erakundeekiko erakutsitako errespetu falta, niri bere le-

kuan asko kostatu-ko litzaidakeela jaun honekin hitz egitea, baldin eta atzera egingo ez balu», esan zuen Erraztik.

Otegi adierazi zuenez, bestalde, Juan Jose Ibarretxe «berriro ere publikoki umiliatzea besterik ez du nahi Azna-

rek». «Berak ikusiko du orain zer egin, baina gu ez ginateke joango, esan duena baino garrantzitsuagoa baita erakutsi duen tonua, legioko sarjentu bat ematen baitzuen. Gainera ez dakit zertarako joan behar duen, atzo gauzak oso argi utzi

baitzituen Aznarrek», adierazi zuen EHko bozeramaileak.

EB-IUko Javier Madrazok adierazi zuenez, «ez du inolako logikarik bien arteko elkarriketa baten atarian halako adierazpenak egiteak».